

Սիրելի անդամներ,

Անցնող տարբեր ամիսներում, Փետր. 20-ին մինչև Դեկտ. 31, 1963, համեմատ զորքու-
նէութեան ամիսի տեղեկագիրն է որ պիտի կարգաձէ ինչ որ ըրած եմ Ատոուծոյ փառքին,
Եկեղեցւոյ պայծառութեան եւ մեր սիրելի հայ ժողովուրդին համար ըրած եմ:

Ս. ՊԱՏԱՐԱԳ

Անդրանիկ պատարագ մատուցի, որպէս այս եկեղեցւոյ Հովիւ, Փետր. 24, Սեծ Բարե-
կենդանի Կիրակին: Անկէ ի վեր առանց բացառութեան ամէն Կիրակի Պատարագ մատուցած
ենք Ս. Եկեղեցւոյ մէջ Էրկու անգամ ես չկրցայ պատարագ մատուցանել, մին Մարտ 3-ի
Կիրակին, Յիւստելեի Ընտանիքս փոխադրելու գացած էի. միւս անգամ, Մայիս 19-ին,
Թրոյ Նիւ Եորք Պատարագ մատուցող Ժողովի առթիւ Զատկուան ճրագաւոյցին պատարագ ունե-
ցած ենք: Երբ ինչ Արեւազալի եւ Աւագ Երթուան արարողութիւններ. Հանգստեան եւ
Խաղաղական Ժամերգութիւն Ուրբաթ երեկոյններ. Միջինքի առթիւ Զորք շաբթի երեկոյ:
Միշտ քարոզ տուած եմ Հայերէն եւ թէ Անգլերէն լեզուներով:

ՄԱՍՆԱԵՈՐ Ս. Պատարագ եւ Հոգեհանգիստներ

Ամաճ Ս. Պատարագ եւ Մասնաւոր Հոգեհանգստեան պաշտօն կատարուած է,
Տ. Տ. Զարէհ Ա. Սեծի Տանն Կիլիկիոյ Աթոռակալի,
Տ. Ղեւոնդ Արք. Դուրեանի, Թեմիս Նախկին Նահատակ առաջնորդին
Տ. Դերենիկ Եպս. Փոլատեանի
Նախագահ ճան Կիլիկիոյ Թէնիտի
Ընդհանուր Հայ Նահատակաց եւ
Հ. Բ. Ը. Ս. Ննջեցեալ ~~Երթուան~~ անդամներուն
Հոգիներուն համար:

ԱՅՑԵԼՈՒ ԵԿԵՂԵՑԱԿԱՆՆԵՐ

Հոգեշ. Տ. Դիսահակ ~~Երթուան~~ Ս. Վրդ. Ղազարեան. Սեպտ. 1-ին, Տիրամայր Նուրիճա
Գաշըգճեանի մահուան առթիւ, Ս. Պատարագ մատուցանելու եւ Հոգեհան-
գստեան պաշտօն կատարելու:
Արժ. Տ. Միքայել Պիւթերօ. Ե. Ս. Սի. Վա. Օի Ղապալտութեան համար:

ԾԻՍԱԿՍՏԱՐՈՒԹԻՒՆՆԵՐ

Վերոյիշեալ շրջանի մէջ կատարած եմ հետեւեալ ծիսակատարութիւնները:
9 Մկրտութիւններ:
2 Պսակադրութիւններ:
2 Թաղումներ: Ասկէ զատ նակաթաք թաղումի մը մասնակցած եմ Տան
կարգ եւ Բառասունքի առթիւ Գերեզմանօրհնէք կատարելով:

ԳԵՐԵԶՄԱՆՕՐՀՆԵՔ

Թեւեւ ոց Յիշատակութեան Օրուան առթիւ / Մէմորիալ Տէյի /, գերեզմանօրհնէք
կատարած եմ Պրիճրորթի Լէյքովի գերեզմանատունը: Ընդհանրապէս մեր Ծիսականներու
փախաքին, մասնաւոր գերեզմանօրհնէք կատարած եմ չորս տարբեր առիթներով:

ՀՈՎՈՒԱԿԱՆ ԱՅՑԵԼՈՒԹԻՒՆՆԵՐ

Այցելութիւններ տուած եմ մեր ծուխի սիրելի ժողովուրդին զանազան առիթ-
ներով եւ շնացած եմ միւսից զանոնք եւ բաժնեկից ըլլալ անոնց ցաւերուն. նաեւ
մասնակցած եմ անոնց ուրախութեանց: Որպէս նոր եկած Հովիւ մը շատ պէտք ունէի
առաջնորդող եւ ինձի ընկերակցող անձերու, որպէսզի զիս ծխականներու տանելով աւելի
շուտ եւ աւելի շատ ծանօթութիւն հաստատէի մեր ժողովուրդին հետ:
Մի քանի ազնիւ անձերորոնք ունէ պաշտօնական հանգամանք չունէին, շնացին
քիչ մը օգտակար ըլլալ: Այս մասին պիտի անդրադառնամ յետոյ:

Հովիւ-ական Այցելութիւններու հետեւեալ կերպով դասաւորած են:

| | |
|--------------------------|-----|
| Հիւանդանոց Հիւանդներու | 61 |
| Տունի Հիւանդներու | 38 |
| Մահերու առթիւ ցաւակցական | 10 |
| Տունօրհնէքի առթիւ | 30 |
| Զանազան առիթներով | 208 |

Ընդհ. Այցելութիւններ 347

Երկու անգամներ այցելած են Նիւթաուսի Մտային Հիւանդանոցը եւ Երեք անգամներ Պրիճբորթի Ծերանոցը:

ԱՅԼ ԱՅՑԵԼՈՒԹԻՒՆՆԵՐ

Հովուական այցելութիւններէս զատ այցելութիւններ տուած են զանազան հաստա-տուութիւններ. ներկայ եղած տարբեր ազգային եւ օտար ձեռնարկներու:

Յունիս 4-ին, Քիթիթիթիթիթիթիթիթիթիթի Միլիճըրտ, Բառուսըլ Ավ Զըրչզի ճաշ-Դասախօսու-թեան:

Յունիս 19-ին, Ինթըրնէշնըլ Ինսթիթիւտ, Թարգմանութեան համար:

Սեպտ. 3-ին, Հարթնըրտ, Գաղթային Գրասենեակ, Դպրապետ Յակոբ Գալեայեանի Թուղթերուն:

Սեպտ. 16-ին Պրիճբորթ, Բառուսըլ Ավ Զըրչզի Տնօրինաց ժողովին. փակման աղօթքը ըրի:

Սեպտ. 22-ին Վ. Ա. Ի դածտահանդէսին: Յաւուր պատշաճի կարճ պատգամ մը տուի:

Հոկտ. 27-ին, Նիւ Եորք, Առաջնորդարանի Երգահանդէսին:

Նոյմ. 8-ին, Նիւ Եորք, Առաջնորդարան Հայերէն դպրոցի դասագրքերը բերելու:

Նոյմ. 10-ին, Պրիճբորթ Հ. Բ. Ը. Միութեան ճաշկերոյթին. նախագահելու եւ խօսելու:

Դեկտ. 3-ին, Պրիճբորթ, Ինթըրնէշնըլ Ինսթիթիւտ, Թարգմանութիւն ընելու:

Դեկտ. 20-ին, Մազոնիք Թէմբըլ, Բէյ Զօթեանի, Մասթըր աստիճանի հաստատման հանդիսու-թեանց, վերջին օրհնութիւնը տալու համար:

ԺՈՂՈՎՆԵՐ

Ի պաշտօնէ նախագահի հանգամանքովս, միշտ ներկայ եղած են Հոգաբարձութեան, Տիկնաց Միութեան, Կիրակնօրեայ դպրոցի, Դպրաց Դասի եւ Հայաստանեայց Եկեղեցւոյ Երիտասար-դաց Կազմակերպութեան ժողովներուն, երբ անոնք ուրիշ եկեղեցական մէկ գործս չեն խաչաձեւած: Հսկայ եւ հարկ եղած թելադրութիւնները ըրած են որպէսզի անոնք Հայց. Եկեղեցիոյ կանոններուն համաձայն ընթանան եւ արաւմուսի մէջ չիյնան:

ՀԱՄԱԳՈՒՄԱՐՆԵՐ

Անցնող շրջանին մասնակցած են. Թեմական Պատգամաւորական Ժողովին, Թրոյ, Ն. Ե. Ամառնային Եկեղեցականաց համագումարին, Եկեղեցականաց Շրջանային ժողովին նախ Եորք. Էզպըրի Բարձի Ս. Աստուածածնայ Եկեղեցին. Կիրակնօրեայ Դպրոցներու Տեսուչներու Շրջանային ժողովին. Նիւ Եորք:

ԿԱԶՄԱԿԵՐՊՁԱԿԱՆ

Ս. Համբարձում Հայց. Եկեղեցւոյ Հովուական պաշտօնին սկսած օրէս, միակ շանքս եղած է վերակազմել եկեղեցւոյ զանազան գործօն մարմինները, որպէսզի, այս փոքր սակայն եկեղեցասէր համայնքը, իր եկեղեցիով եւ հոգեւոր կեանքով ծաղկի եւ զօրանայ:

Ուստի սկսանք աշխատանքի.

ՏԻԿՆԱՑ ՄԻՈՒԹԻՒՆ. —

Անձնապէս դիմելով մեր կարգ մը ազնիւ տիկիներուն, նշանակովի կազմեցի Տիկնաց վարչութիւն մը. Որոնք իրենց կարգին հրաւիրեցին համայնքի տիկիները թէյասեղան ժողովի մը, Մայրերու Օրուան առթիւ եւ վերակազմուեցաւ Տիկնաց Միութիւնը:

Տիկնաց Միութիւնը մասնաւորապէս եւ անդամները ճնշահանրապէս զնահատանքի արժանի են, վասնզի անոնք իրենց կարելի ըրին այս անցնող տարին աւելի արդիւնաւոր ընելու համար, սակայն շատ անգամներ պէտք եղած օգնութիւնը եւ քաջալերութիւնը չստացան:

Աստուած վարձատրէ իրենց շնորհները եւ արդիւնաւոր ընէ անոնց աշխատանքները:

ԴՊՐԱՑ ԴԱՍ

Եկեղեցւոյս երգեցիկ այս փոքր խումբը որ Մեծ գործ կը կատարէ եկեղեցիէն ներս ներկայիս 13 անդամներ ունի, նաեւ ընտրուած վարչութիւն մը:

Մասնաւոր առանձին նամակներով 25 անձեր ժողովի հրաւիրելով ներկաներուն մէջէն ընտրեցինք վարչութիւն մը որոնք սկսան Դպրաց դասի գործերուն եւ փորձերուն ընթացք տալ: Ամէն Կիրակի եկեղեցի կուգան կ'երգեն, կը նուագեն եւ Ս. Խորանին կ'սպասարկեն: Անոնց մտուցած ծառայութիւնը անգնահատելի եւ անփոխարինելի է. Աստուած օրհնէ եւ երկնային բարիքներով վարձատրէ զիրենք:

ԿԻՍԱՍԱՐԿԱԽԱԳԻ ՊԱՏՐԱՍՏՈՒԹԻՒՆ

Այս ամառ, Թամի Տապազեան, որ եկեղեցւոյս նուիրուած աշխատող երիտասարդ մըն է, իր փափաքով եւ մեր ջանքերով պատրաստուեցաւ կիսասարկաւագութեան. հիմա արդէն Ս. Խորանին վրայ կ'երգէ եւ կ'սպասարկէ: Օրինակելի նուիրում մը, որ կը յուսանք ուրիշներու բարի նախանձը շարժելով անոնք ալ կ'ուզեն ծառայել Աստուծոյ եւ եկեղեցիին: Մենք միշտ պատրաստ ենք սորվեցնելու:

ՀԱՅԱՍՏԱՆԵԱՅՑ ԵԿԵՂԵՑԻՈՅ ԵՐԻՏԱՍԱՐԴԱՅ ԿԱԶՄԱԿԵՐՊՈՒԹԻՒՆ

Այս պարագային ալ անձնական նամակներով, երիտասարդ-երիտասարդուհիներ հրաւիրեցի ժողովի. վնտրուեցաւ արժամեայ վարչութիւն մը եւ գործի սկսուեցաւ: Ունեցան անդամական ժողով, ընտրեցին նոր վարչութիւն. ունին 16 անդամներ. Պուլսենան կանոնաւոր իրենց ամսական եւ վարչական ժողովները. Երեք դասախօսութիւններ կազմակերպած են. եւ ունին շինիչ եւ եկեղեցիին օգտակար ծրագիրներ այս նոր շրջանին համար: Հպարտ ենք մեր նորակազմ էյ. Սի. վայ. Օի անդամներով: Աստուած օրհնէ զիրենք:

ՀԱՅ ԴՊՐՈՑ

Հայերէն լեզուի ուսուցումը կարեւոր նկատելով եւ Հայ դպրոց մը սկսելու նպատակով ջանացի խնամակալ մարմին մը կազմել եւ հայերէն լեզուի դասաւանդութեանց սկսիլ: հակառակ ջանքերուս չկրցայ հինգ անձեր իրարու բերել որպէսզի օգնեն ինձ դպրոցի գործերուն մէջ: Ստիպուած եմ յիշ. 3-ին սկսայ դասաւանդութեան: Հայ Դպրոցի դասատուութիւնը եւ պատասխանութիւնը բոլորովին ձգուած է իմ վրաս: 17 արձանագրուած աշակերտներ ունինք. որոնց 3/4-ը միշտ ներկայ եղած են: Պէտք ունինք խնամակալ մարմնի մը եւ ուսուցիչներու:

ԿԻՐԱԿՆՕՐԵԱՅ ԴՊՐՈՑ

Ուրախ եմ ըսելու որ Կիրակնօրեայ դպրոցը, արդէն կազմակերպուած վիճակի մէջ էր երբ ես եկայ, եւ Կ. Դպրոցի տեսչուհի՝ Տիկ. Թէրեզա Հարպետեանի եւ իր շուրջ հաւաքուած ազնիւ եւ նուիրուած ուսուցչուհիներու խղճամիտ եւ անխոնջ ջանքերուն հետեւանքով շատ լաւ եւ յուսադրիչ վիճակի մէջ է: Աշակերտութեան թիւը որոշապէս կ'աւելնայ: Հոգեւոր աշխատանքի արդիւնքը, թէ բարոյապէս եւ թէ նիւթապէս յոյժ գովելի է: Հոգեկան մեծ հաճոյք եւ գոհացում կ'զգամ անոնց հետ միասին, մեր փոքրիկներուն հոգեւոր դաստիարակութեան համար, ծրագիրներ պատրաստել եւ աշխատիլ: Թէ շնորհակալ եւ թէ ալ երախտապարտ ենք մեր եկեղեցւոյ համեստ եւ խոնարհ սրտով, շուրջ աշխատող մեր ուսուցչուհիներուն: Երկնային շնորհներ կը խնդրենք Աստուծոյ իրենց համար:

ԳՐԱՍԵՆՆԱԿԻ ԳՈՐԾԵՐ

Բոլոր խորհրդակատարութեանց արձանագրութիւնները, Մկրտութիւն, Ամուսնութիւն եւ Մահ, կանոնաւորաբար պահուած են մասնաւոր տոմարի մը մէջ: Նաեւ եկած թղթակցութիւններ եւ դրկուած նամակներու օրինակները, իւրապատուէ թղթածրարներու մէջ հաւաքուած են: Պաշտօնական բոլոր նամակները մեքենագրած եւ որպէս նախագահ ստորագրել է վերջ, նամակատուն յանձնած եմ, առանց ուշացումի:

ԴԱՍԱԽՕՍՈՒԹԻՒՆ

Եկեղեցւոյս երիտասարդաց Կազմակերպութեան փափաքով, Հոկտ. 4-ին, դասախօսութիւն մը տուած եմ, Անգլերէն լեզուով, նիւթ ունենալով " էյ. Սի. վայ. Օի դերը եւ պարտականութիւնը Հայաստանեանց եկեղեցիէն զՅՅՅՅ ներս":

ԵԿԵՂԵՑԻՈՅՍ ԹԵՐԹԻԿՆԵՐ ԿԱՄԱՐԱՐՁՈՒՄ

Պրիճբորթի եւ շրջակայ քաղաքներու մեր անդամները եւ Հայ ազգակիցները, եկեղեցւոյս գործունէութեանց, ձեռնարկներու եւ համայնքային կեանքին մասին տեղեկացումներու համար, միեւնոյն ժամանակ շատ եկեղեցի չեկողներուն հոգեւոր պատգամ մը հասցնելու փափաքով, ամէն ամիս կանոնաւորաբար հրատարակած եմ եկեղեցւոյս Սուրբ Համբարձում լրատու թերթիկը, նկարագարը, Հայերէն եւ Անգլերէն լեզուներով:

Օգնական չունենալուս, թերթիկին խմբագրութիւնը, մեքենագրութիւնը, բազմագրութիւնը, ծալիլը, հասցեագրելը, կարելը, դրօշմաթուղթերը բակցնելը եւ նամակատուն յանձնելը վրաս մնացած ըլլալով ես ըրած եմ: Եկեղեցւոյս կազմակերպութեանց պէտք եղած տպագրական գործերը եւ յայտարարութիւնները փիշտ սիրով ըրած եմ:

Մեր ազնիւ եւ առատաձեռն ժողովուրդն ալ, գնահատելով տարուած աշխատանքը, թէ նամակով եւ թէ ալ դրամական նուէրներով զօրավիգ կանգնած են թերթիկին եւ քաջալերած են մեզ: Քաջալերական նամակներ եւ դրամական նուէրներ տակաւին կը շարունակուին հասնիլ: Անցեալ տասը ամիսներուն թերթիկին անունով 187 տուար նուէր եղած է, որը իր օրին յանձնուած է եկեղեցւոյս գանձապահին:

ՆՈՐՈՒԹԻՒՆՆԵՐ ԵԿԵՂԵՑԻՆ ՆԵՐՄ

- Առաջին նորութիւնը այն եղաք, որ եկեղեցին ունեցաւ իր մնայուն Հովիւը:
- Ապա նորութիւններ եւ բարեբոխութիւններ իրար յաջորդեցին:
- Նուէր ունեցանք եկեղեցիին համար ինքնագործ տպագրական մեքենայ մը:
- „ „ „ „ „ Երկար գլանով Անգլերէն գրամեքենայ մը:
- „ „ „ „ „ 26 նոր սեղաններ:
- „ „ „ „ „ սրբֆին գետինը ծածկելու համարմեծ քանակութեամբ վայել:
- Եկեղեցւոյ երրորդ հարկի պատշգամբ նորոգուեցաւ եւ ներկուեցաւ:
- Քահանայական Պատարագի նոր զգեստ մը եւ սաղաւարտ մը կարուեցաւ:
- Նուէր ստացանք 2,000 տուար, եկեղեցւոյ եւ սրահին ներգին ներկի նորոգութեան համար:

ԾՐԱԳԻՐՆԵՐ ՆՈՐ ՇՐՋԱՆԻՆ ՀԱՄԱՐ:

- Հետեւեալ ծրագիրները ունինք մեր յաջորդ տարուան գործունէութեանց մաս կազմող եւ կը կարծենք թէ համայնքին հոգեւոր, ազգային կեանքին եւ եկեղեցւոյս նիւթական բարօրութեան եւ զօրացման օգտակար պիտի ըլլայ:
 - 1.- Եկեղեցւոյս տրատու անդամներուն թիւը աւելցնել:
 - 2.- Յանձնախումբ կազմելով այցելել այն անդամներուն որոնք զանազան պատճառներով եկեղեցիէն հեռացած են:
 - 3.- Նամակատունէն հրամանագիր առնել, մեր թղթակցութիւնները աւելի աժան գինով մը կարենալ ղրկելու եւ եկեղեցիին դրամ խնայելու համար:
 - 4.- Եկեղեցւոյս բոլոր կազմակերպութեանց մասնակցութեամբ, տարեկան մէկ խոշոր ձեռնարկ մը կազմակերպել եւ նիւթական հասոյթ ապահովել, եկեղեցիին նիւթապէս ամուր հիմերու վրայ դնելու համար:
 - 5.- Անդամական եւ ընկերային ձեռնարկներու թիւը աւելցնել եւ ժողովուրդը աւելի յաճախ իրարու քով բերել, որպէսզի սէր եւ իրար հասկացողութիւնը իրականանայ:
 - 6.- Ազգային երեք կարեւոր տօներու առթիւ՝ Վարդանանց, Ապրիլ 24-ի եւ Մշակութային Օրուան, պատշաճ հանդիսութիւններ կազմակերպել:
 - 7.- Աւելի զօրացնել մեր եկեղեցական ներկայ կազմակերպութիւնները:
 - 8.- "Տէր եւ Տիկին" ներու Միութիւն մը կազմել, եկեղեցւոյ հովանիին ներքեւ:
- Ասոնք եւ դեռ ուրիշ գործեր բոլորն ալ ի պայծառութիւն Հայց.Ս.Եկեղեցւոյ եւ ի փառս Ամենասուրբ Երրորդութեան, այժմ եւ միշտ եւ յաւիտեանս. Ամէն:

Ձեր Հոգեւոր Հովիւը
 Աստիտ Գրիգորի
 Սարգիս Բհնյ. Գաշըզեան
 Յուն. 25, 1964
 Պրիճբորթ, Բէննէթիքէթ